

ტენდერზე მოწვევის წერილი

სსიპ თელავის იუსტიციის სახლის, სსიპ ახალციხის იუსტიციის სახლისა და სსიპ ოზურგეთის იუსტიციის სახლის შენობებში ენერგოეფექტურობის კომპონენტის გაძლიერებისთვის დიზაინი და მშენებლობა

ტენდერის #: NEFCO/DB-L-9-2021

საქართველოს მუნიციპალური განვითარების ფონდი, შემდგომში „დამკვეთი“ გეგმავს ჩრდილოატლანტიკური ქვეყნების გარემოსდაცვითი ფინანსური კორპორაციის (NEFCO) მიერ გამოყოფილი სესხის ნაწილის მიმართვას საქართველოში საჯარო შენობების ენერგო-ეფექტურობის გაუმჯობესებისა და განახლებადი და ალტერნატიული ენერჯის გამოყენების მიზნით.

ვებ-გვერდებზე www.mdf.org.ge, www.procurement.gov.ge; www.nefco.org და გაზეთში „საქართველოს რესპუბლიკა“ შესყიდვის ზოგადი შეტყობინების გამოქვეყნების შემდგომ დამკვეთი იწვევს ტენდერზე სესხის თანხის ნაწილიდან დაფინანსებული შემდეგი კონტრაქტების შესასრულებლად:

- *სსიპ თელავის იუსტიციის სახლის შენობის გარსის/შემომზღუდავი კონსტრუქციების თერმული მახასიათებლების გაუმჯობესებისა და გათბობის სისტემის მოდერნიზაციის მიზნით დეტალური საპროექტო დოკუმენტაციის მომზადება, მიწოდება, მოწყობილობებისა მონტაჟი და მასთან დაკავშირებული განხორციელება;*
- *სსიპ ახალციხის იუსტიციის სახლის შენობის გარსის/შემომზღუდავი კონსტრუქციების თერმული მახასიათებლების გაუმჯობესებისა და გათბობის სისტემის მოდერნიზაციის მიზნით დეტალური საპროექტო დოკუმენტაციის მომზადება, მიწოდება, მოწყობილობებისა მონტაჟი და მასთან დაკავშირებული განხორციელება;*
- *სსიპ ოზურგეთის იუსტიციის სახლის შენობის გარსის/შემომზღუდავი კონსტრუქციების თერმული მახასიათებლების გაუმჯობესებისა და გათბობის სისტემის მოდერნიზაციის მიზნით დეტალური საპროექტო დოკუმენტაციის მომზადება, მიწოდება, მოწყობილობებისა მონტაჟი და მასთან დაკავშირებული განხორციელება.*

ყველა უფლებამოსილი კომპანია მოწვეულია აღნიშნულ ტენდერში მონაწილეობის მისაღებად. შერჩევის პროცესი მოიცავს საკვალიფიკაციო ეტაპს, რომელიც ითვალისწინებს წარსული გამოცდილების განხილვას და გადამოწმებას კონტრაქტის მინიჭებამდე.

ტენდერის მონაწილეები უნდა აკმაყოფილებდნენ და დოკუმენტურად ადასტურებდნენ შემდეგ მინიმალურ კრიტერიუმებს:

- ტენდერის მონაწილეს უნდა გააჩნდეს დამაკმაყოფილებელი ფინანსური, ტექნიკური და წარმოების შესაძლებლობა და უნარი კონტრაქტის წარმატებით შესასრულებლად, ხოლო მისი საშუალო წლიური ბრუნვა ბოლო ხუთი წლის (2016-2017-2018-2019-2020) განმავლობაში უნდა იყოს სულ მცირე **2,100,000 ლარის** ოდენობით; წარმოდგენილი ბრუნვები დადასტურებული უნდა იყოს ბუღალტრული აღრიცხვის, ანგარიშგებისა და

აუდიტის ზედამხედველობის სამსახურის აუდიტორების/აუდიტორული ფირმების რეესტრში რეგისტრირებული აუდიტორის მიერ. ერთობლივი საწარმოს შემთხვევაში, აღნიშნულ ფინანსურ მოთხოვნას 100%-ით უნდა აკმაყოფილებდეს ერთობლივი საწარმოს სულ მცირე ერთი წევრი.

- ტენდერის მონაწილეს ბოლო ხუთი წლის (2016-2017-2018-2019-2020) განმავლობაში წარმატებით უნდა ჰქონდეს შესრულებული მსგავსი სახის სამუშაოების და დანადგარების მიწოდების კონტრაქტები (ორი კომპონენტი), რაც ქვემოთ არის მითითებული, რომლებიც დამაკმაყოფილებლად და არსებითად იქნა დასრულებული კონტრაქტორის, ქვეკონტრაქტორის, ერთობლივი საწარმოს წევრის ან მმართველი კონტრაქტორის როლში:

- (i) რეაბილიტაციის/რეკონსტრუქციის/მშენებლობის მათ შორის შენობის ტექნიკური სისტემების (განსაკუთრებით გათბობის სავენტილაციო და კონდიციონერების სისტემების) მონტაჟი და/ან რეკონსტრუქცია მინიმუმ ერთი კონტრაქტი, არანაკლებ **1,400,000 ლარის** ღირებულებით, რომელიც მოიცავდა ტექნიკური სისტემების მშენებლობას/რეკონსტრუქციას;

ან, რეაბილიტაციის/რეკონსტრუქციის/მშენებლობის მათ შორის შენობის ტექნიკური სისტემების (განსაკუთრებით გათბობის სავენტილაციო და კონდიციონერების სისტემების) მონტაჟი და/ან რეკონსტრუქცია მაქსიმუმ ხუთი კონტრაქტი, რომელთაგან სულ მცირე ერთი კონტრაქტის ღირებულებაა **700,000 ლარი**, მაგრამ ჯამურად წარმოდგენილი კონტრაქტების საერთო ღირებულება არანაკლებ **1,400,000 ლარია** და რომელიც მოიცავდა ტექნიკური სისტემების მშენებლობას/რეკონსტრუქციას;

- (ii) დეტალური დიზაინის მომზადების სულ მცირე ერთი კონტრაქტი, რომელიც მოიცავდა კონსტრუქციული დიზაინის მომზადებას და ტექნიკური სისტემების პროექტირებას (განსაკუთრებით გათბობის სავენტილაციო და კონდიციონერების სისტემების), ან რეაბილიტაციის ერთი კონტრაქტი, რომელიც მოიცავდა აღნიშნულ საპროექტო მომსახურებას არანაკლებ **30,000 ლარის** ღირებულებით.

ან, დეტალური დიზაინის მომზადების ან რეაბილიტაციის მაქსიმუმ ხუთი კონტრაქტი, რომლებიც მოიცავდა კონსტრუქციული დიზაინის მომზადებას და, ტექნიკური სისტემების პროექტირებას (განსაკუთრებით გათბობის სავენტილაციო და კონდიციონერების სისტემების) და რომელთაგან, სულ მცირე ერთი კონტრაქტის ღირებულებაა არანაკლებ **20,000 ლარის** ღირებულების, მაგრამ ჯამურად წარმოდგენილი კონტრაქტების საერთო ღირებულება არანაკლებ **60,000 ლარისა**.

ერთობლივი საწარმოს შემთხვევაში, აღნიშნულ ტექნიკურ მოთხოვნას ერთობლივი საწარმოს ყველა წევრი ერთობლივად უნდა აკმაყოფილებდნენ 100%-ით.

- ტენდერის მონაწილე არ არის გაკოტრებული ან გაკოტრების პირას მყოფი პირი ადგილობრივი კანონმდებლობისა და რეგულაციების შესაბამისად;
- იმ შემთხვევაში, თუ ტენდერის მონაწილე არ აწარმოებს აღნიშნული კონტრაქტის ფარგლებში შეთავაზებულ დანადგარს, ტენდერის მონაწილე უფლებამოსილი უნდა იქნას დანადგარის მწარმოებლის მიერ დამკვეთის ქვეყანაში დანადგარის მიწოდებისთვის;
- ტენდერის მონაწილემ უნდა უზრუნველყოს საგარანტიო ვალდებულებები;

შესყიდვის დასაშვები ღირებულებაა **1,400,000 ლარი (დღგ-ს გათვალისწინებით)**.

სამუშაოების დაწყება - დამთავრების ვადები დაზუსტდება კონტრაქტის ხელმოწერის დროს მოლაპარაკების საფუძველზე.

სატენდერო დოკუმენტაციის სრული პაკეტი ხელმისაწვდომია ინგლისურ ენაზე. დოკუმენტაციის ქართული ვერსია მხოლოდ ტენდერის მონაწილეთათვის დამხმარე დოკუმენტებად არის შექმნილი (შეუსაბამობის არსებობის შემთხვევაში, უპირატესობა მიენიჭება ინგლისურ ვერსიას).

ტენდერში მონაწილეებმა სატენდერო წინადადებები უნდა წარმოადგინონ ელექტრონულად სახელმწიფო შესყიდვების ერთიანი ელექტრონული სისტემის გამოყენებით.

ტენდერის გამარჯვებულმა მონაწილემ უნდა უზრუნველყოს შესრულების გარანტიის წარმოდგენა, რომელიც გაცემული უნდა იყოს მხოლოდ ადგილობრივი სანდო ბანკების მიერ, რომლებიც ოპერირებენ საქართველოს ტერიტორიაზე. საქართველოს ტერიტორიაზე მოქმედი ბანკების სრული სია ხელმისაწვდომია საქართველოს ეროვნული ბანკის ვებ-გვერდზე, შემდეგ ბმულზე: <https://www.nbg.gov.ge/index.php?m=403&lng=eng>

ტენდერის მონაწილეების შერჩევა მოხდება ღია ტენდერის პროცედურების შესაბამისად, რომელიც აღწერილია სატენდერო დოკუმენტში. ტენდერის მონაწილეებმა სასურველია მისდიონ NEFCO-ს შესყიდვების სახელმძღვანელოს, რომლის ნახვაც შეიძლება NEFCO-ს ვებ-გვერდზე: <https://www.nefco.org/work-us/our-services/procurement>

ადგილზე ვიზიტი:

ტენდერის ხარისხიანად მომზადებისთვის ტენდერის პოტენციური მონაწილეების წარმომადგენლებმა სასურველია მოინახულონ ობიექტი ადგილზე.

ობიექტების მისამართებია:

- *სსიპ თელავის იუსტიციის სახლი - ერეკლე II-ის მოედანი #4, თელავი;*
- *სსიპ ახალციხის იუსტიციის სახლი - მიხეილ თამარაშვილის ქ. #3, ახალციხე;*
- *სსიპ ოზურგეთის იუსტიციის სახლი - იოანე პეტრიწის ქ. #9, ოზურგეთი.*

ტენდერის მონაწილემ, რომელსაც სურს ობიექტზე გასვლა, წინასწარ უნდა შეუთანხმოს ეს ვიზიტი დამკვეთს.

ადგილზე ვიზიტის ხარჯებს დაფარავს ტენდერის მონაწილე.

წინასატენდერო შეხვედრა:

წინასატენდერო შეხვედრა გაიმართება ინტერნეტის საშუალებით **2021 წლის 30 მარტს, 15:00 საათზე**, ქვემოთ მითითებულ ბმულზე:

<https://meet.google.com/wnh-onti-xgw>

დასწრება სასურველია, მაგრამ არა სავალდებულო ტენდერის მონაწილეების ან/და მათი წარმომადგენლების მიერ.

ტენდერში მონაწილეებმა სატენდერო წინადადებები უნდა წარმოადგინონ ელექტრონულად არაუგვიანეს იმ თარიღისა და დროსა, რომელიც მითითებულია სახელმწიფო შესყიდვების ერთიან ელექტრონულ სისტემაში - 15 აპრილი, 2021 წელი, 14:00 საათი.

გამოცემის თარიღი: 2021 წლის 16 მარტი